


18 - KUWEKEWA MUHURI MILELE



Jinsi ya kuepuka kupokea Alama ya Mnyama

1



Ilikuwa siku ya furaha, siku kuu, siku iliyosababisha sherehe ya pekee pamoja na gwaride na bendi ya kifalme.

Mfalme Nebukadneza alikuwa amesisimuka.

2



Alikuwa amevalika waheshimiwa toka sehemu zote za falme ya Babeli waje.

Ilikuwa siku aliyoitizamia kwa shauku kubwa-- na pia siku ambayo kamwe asingeliisahau siku zote za maisha yake.

3



Wakati fulani uliopita, mfalme alikuwa amepata kuona ndoto ya ngeni.

Alikuwa ameona sanamu kuu ya madini mbalimbali.

4



Hakuweza kukumbuka kwamba ilikuwa ikihusu nini, kwa hiyo Danieli aliweza kumfunulia si tu maana yake bali pia ndoto yenyewe.

Nebukadneza hakuweza kuwaza lolote jingine!

5



Hata hivyo, yeye alikuwa ndiye kichwa cha dhahabu! Ufalme wake ulisimama bila kupingwa duniani. Na sasa kila mmoja angeliweza kuona kielelezo dhahiri cha jinsi Babeli ilivyokuwa hasa --jinsi alivyokuwa mkuu kwa kweli!

6



Alikuwa mkaidi na akaamuru watumishi wake watengeneze sanamu la dhahabu tupu.

7

18 - KUWEKEWA MUHURI MILELE



8

Sanamu lilikuwa dhahabu tupu, si kichwa tu, bali pia mwili wote.

Kila mmoja alishangazwa na mng'ao wa uzuri wa hii sanamu ya ajabu. Ilikuwa namna ya mfalme ya kuihakikishia dunia ya kwamba ufalme wake ungedumu milele.



9

Katika siku hii maelfu ya waheshimiwa sana wa himaya ya mfalme walikutanika ili kushuhudia kuzinduliwa kwa sanamu ya mfalme ya dhahabu.



10

Ghafula kukawa na ukimya wenye mshindo katika umati uliokuwa mkubwa. Tarumbeta zililia, na msemaji wa mfalme akatangaza kwa sauti kubwa,



11

(Fungu: Danieli 3:4-6)

Danieli 3:4-6

.....Enyi watu wa kabila zote, na taifa, na lugha, mmeamriwa hivi,



12

wakati mtakapoisikia sauti ya panda, na filimbi, na kinubi, na zeze, na santuri na zomari,



13

na namna zote za ngoma, lazima kuanguka na kuiabudu sanamu ya dhahabu



14

mfalme Nebukadneza aliyoisimamisha;

18 - KUWEKEWA MUHURI MILELE



15

na kila mtu asiyeanguka na kuabudu



16

atatupwa saa iyo hiyo katika tanuru ya moto uwakao.
Danieli 3:4-6



17

muziki ukapigwa.
Watu wote wakaanguka chini na kuabudu sanamu.
Naam - karibia watu wote.



18

Katikati ya makutano yaliyosujudu walisimama Shadraka, Meshaki, na Abednego -- Waebrania watatu waliokataa kutomtii Mungu kwa kuinamia na kuiabudu sanamu.
Mara neno likamfikia Mfalme.



19

Akiwa na hasira kwa sababu ya kujua ya kwamba yupo ambaye amediriki kuiasi amri yake kali, Nebukadneza aliamuru ya kwamba waasi waletwe mbele zake.



20

Mfalme alipowatazama hawa Waebrania watatu, aliwatambua mara moja. Walikuwa vijana wasio wa kawaida wenye maarifa mengi na talanta nyingi.



21

Aliwahi kuwapatia majukumu mengi wakati uliopita, ambayo walikuwa wameyatekeleza kwa uaminifu na ustadi. Hali akijihisi kuwa mwema kwao kwa namna fulani, aliamua kuwapatia nafasi nyingine.
Akiwaita kila mmoja wao kwa majina, mfalme alisema,

18 - KUWEKEWA MUHURI MILELE



22

(Fungu: Danieli 3:15)

Basi sasa, mkiwa tayari wakati mtakapoisikia sauti ya na namna zote za ngoma,



23

na kuanguka na kuisujudia sanamu

niliyoisimamsha, ni vema; bali msipoisujudia,



24

mtatupwa saa iyo hiyo katika tanuru iwakayo moto; Danieli 3:15.

Mara mfalme alipotoa tamko, ilimpasa alitetee la sivyo angepoteza heshima yake mbele za watu wote.



25

Shadraka, Meshaki, na Abednego waliweza kuona miali ya moto toka katika tanuru kubwa.

Kusingekuwa na wasiwasi wowote juu ya makusudio ya mfalme.



26

Je, wangepanya nini? Je, wewe ungefanya nini?

Je, wangepasi amri dhahiri ya Mungu?

Ah, ingelikuwa rahisi sana kujitetea kibinadamu ya kwamba isingedhuru sana kwa mara moja tu

kuiinamia sanamu katika mazingira kama haya.

Hata hivyo, maisha yao yalikuwa hatarini!

Je, isingekuwa muhimu kuonyesha heshima kwa mfalme?




27

Ni wazi ya kwamba mawazo ya namna hiyo

hayakuwa ndani yao, kwani walikuwa

wamefundishwa amri za Mungu tangu utoto, na mojawapo ya hizo ilisema,




28

(Fungu: Kutoka 20:4,5)

Usijifanyie sanamu ya kuchonga, wala mfano wa kitu chochote....

18 - KUWEKEWA MUHURI MILELE



29

Usivisujudie wala kuvitumikia;...
Kutoka 20:4,5.
Kwa utulivu na bila kusita wakatoa jibu:



30

(Fungu: Danieli 3:16-18)
.....Ee Nebukadneza, hamna haja kukujibu katika neno hili.



31

Kama ni hivyo, Mungu wetu tunayemtumikia
aweza kutuokoa na tanuru ile iwakayo moto;



32

naye atatuokoa na mkono wako, Ee mfalme.



33

Bali kama si hivyo, ujue, Ee mfalme, ya kuwa
sisi hatukubali kuitumikia miungu yako,



34

wala kuisujudia hiyo sanamu ya dhahabu
uliyoisimamisha.
Danieli 3:16-18.
Sehemu ya kisa inayosalia inasisimua.
Mfalme alighadhibika na kuamuru ya kwamba
tanuru lichochelewa mara saba zaidi ya kawaida.



35

Kisha Mfalme akaamuru ya kwamba Shadraka,
Meshaki, na Abednego wafungwe na kutupwa katika
tanuru la moto.
Moto ulikuwa mkali sana kiasi ambacho wale askari
waliowatupa vijana watatu kwenye tanuru
walianguka na kufa.

18 - KUWEKEWA MUHURI MILELE



36

Ghafula, mfalme alikuwa miguuni pake akikimbia kuelekea kwenye lango la tanuru, huku akiwapigia kelele washauri wake ya kwamba aliwaona watu wanne wakitembea katikati ya miali ya moto na ya kwamba yule mmoja alionekana kama Mwana wa Mungu!



37

Bwana wetu aliingia katika tanuru la moto. Alikuwa pamoja na wale Waebrania watatu katika miali ya moto. Yeye ni mkombozi mkuu.



38

Nebukadneza aliamuru Waebrania hawa watoke nje ya tanuru, na kwa mshangao wa kila mmoja, hawa watatu walitoka nje bila hata unywele mmoja kuungua au hata harufu ya moshi katika mavazi yao! Ile sanamu kuu ya dhahabu ikasahaulika. Kichwa cha habari cha tukio kuu la leo, na kwa miaka mingi iliyokuwa mbele, lazima kilikuwa juu ya kisa cha ajabu cha wale vijana watatu.



39

Mungu wao walikuwa amewaokoa toka katika miali ya moto! Ulikuwa ushuhuda wa ajabu kiasi gani wa upendo wa Mungu kwa wafuasi wake waaminifu! Je, yawezekana kuwa wakati fulani ujao, kutakuwa na atakaye tuamuru jinsi ya kuabudu. Je, yawezekana ya kwamba kama hawa vijana watatu Waebrania twaweza kukabili adhabu ya mauti juu ya swala la ibada.



40

Naam, wasema, Nina furaha hakuna anayetuumuru jinsi ya kuabudu! Hiyo ingekuwa vibaya sana! Kukabili mauti kama hukuabudu kwa namna ambayo mtu fulani amekuamuru.



41

Je, wajua ya kwamba kulingana na unabii wa Biblia, changamoto kuu kuliko zote katika historia iko mbele yetu? na kiini cha swala zima kitakuwa ni ibada?

18 - KUWEKEWA MUHURI MILELE



42

Kama Waebrania watatu, kila mmoja aishie wakati wa saa za mwisho za dunia atakabiliwa na uchaguzi kama huo?

Uchaguzi ambao utatia muhuri hatima yao milele!




43

Nebukadneza, kiongozi mwenye uwezo sana wa Babeli alisimika sanamu ili kila mmoja aiinamie. Swala halisi lilikuwa ni ibada.

Amri ya pili inayokataza ibada ya sanamu ilikuwa ni jaribu la utii kati ya ibada ya Mungu wa kweli na ibada ya miungu ya uongo.

Tanuru lilichochea mara saba na kuwa na joto zaidi ya jinsi lilivyokuwa hapo awali.

Wakati wa taabu kuu kuliko wakati taabu nyingine yoyote. Adhabu kwa ajili ya kutotii katika muungano huu wa kanisa-serikali ni mauti.



44

Onyo nyeti kabisa lililopaswa kutolewa kwa wakazi wa dunia hii limerekodiwa katika Kitabu cha Ufunuo. Ni wazi Mungu anauona ujumbe huu kuwa wa muhimu sana, kwani Alisema:



45

(Fungu: Ufunuo 13:9)

Mtu akiwa na sikio na asikie.

Ufunuo 13:9.

Sharti tuusikilize ujumbe huu wa muhimu sana!



46

(Fungu: Ufunuo 14:9,10)


....Mtu awaye yote akimsujudu huyo mnyama na sanamu yake, na kuipokea chapa katika kipaji cha uso wake, au katika mkono wake,



47

yeye naye atakunywa katika mvinyo ya ghadhabu ya Mungu

18 - KUWEKEWA MUHURI MILELE



48

iliyotengenezwa , pasipo kuchanganywa na maji, katika kikombe cha hasira yake;



49

naye atateswa kwa moto na kiberiti mbele ya malaika watakatifu, na mbele za Mwana-Kondoo. Ufunuo 14:9,10.



50

Kila mmoja apaswa kujifunza unabii huu kwa uangalifu ili apate kuwa na uhakika wa kutoshirikiana na mnyama au alama yake.



51

Kulingana na unabii wa Biblia, mwishoni kabisa mwa wakati, wakazi wa dunia watagawanyika katika makundi mawili: wale wanaomtii Mungu na kuzitii Amri zake, na wale wanaomwabudu mnyama na kupokea alama yake.




52

Shinikizo kubwa sana litawekwa kwa wale watakaokataa kuabudu mnyama au kupokea alama yake. Itakuwa changamoto nzito kama wakati Waebrania watatu waliposimama mbele za Nebukadneza.



53

(Fungu: Ufunuo 13:16,17)
Naye awafanya wote, wadogo kwa wakubwa, na matajiri kwa maskini, na walio huru kwa watumwa, watiwe chapakatika mkono wao wa kuume, au katika vipaji vya nyuso zao,



54

tena kwamba mtu awaye yote asiweze kununua wala kuuza, isipokuwa ana chapa ile, yaani, jina la mnyama yule, au hesabu ya jina lake. Ufunuo 13:16,17.

18 - KUWEKEWA MUHURI MILELE



55

Hatimaye, tamko litapitishwa litakalowahukumu kifo wale watakaokataa kumwabudu mnyama na sanamu yake.



56

UFUNUO 13:15
Akapewa kutia pumzi katika ile sanamu ya mnyama, hata ile sanamu ya mnyama inene

(Fungu: Ufunuo 13:15)

Kuhusu mnyama wa pili wa Ufunuo, Biblia yasema: Akapewa kutia pumzikatika ile sanamu ya mnyama, hata ile sanamu ya mnyama inene



57

UFUNUO 13:15
na kuwafanya hao wote wasioisujudu sanamu ya mnyama wauawe.

na kuwafanya hao

wote wasioisujudu sanamu ya mnyama wauawe. Ufunuo 13:15.



58

Mtu anasema, Kama usipomuabudu mnyama, hatutanunua kitu chochote toka kwako au kukuuzia chochote, tena hatimaye tutakuua.



59

Mungu asema, Kama ukimwabudu mnyama, utapokea mvinyo ya ghadhabu ya Mungu.



60

Kila mtu duniani atakabiliwa na uamuzi mgumu sana ambao hawajapata kuufanya. Ni hukumu gani hii ya Mungu itakayomwagwa kwa waovu?

Ufunuo inalo jibu:




61

UFUNUO 15:1
Kisha nikaona ishara nyingine katika mbingu, iliyo kubwa, na ya ajabu;

(Fungu: Ufunuo 15:1)

Kisha nikaona ishara nyingine katika mbingu, iliyo kubwa, na ya ajabu;



62

UFUNUO 15:1
malaika saba wenye mapigo saba ya mwisho; maana katika hayo ghadhabu ya Mungu imetimia.

malaika saba wenye mapigo saba ya mwisho; maana katika hayo ghadhabu ya Mungu imetimia. Ufunuo 15:1.

18 - KUWEKEWA MUHURI MILELE



63

Matatu kati ya mapigo saba ya mwisho yataelekezwa maalum kabisa kwa ajili ya mnyama na wale wanaomwabudu. Ni dhahiri ya kwamba Mungu hataruhusu hukumu zake ziwajie watu bila kuwaonya.



64

Hilo ndilo la kushangaza sana juu ya Mungu! Kamwe hatamimina mapigo kwa wanadamu bila kwanza kumpatia kila mmoja nafasi ya kujua kuwa alama ya mnyama ni nini na jinsi ya kuepuka kuipokea.



65

Hali akitoa ujumbe wake wa mwisho wa maonyo, Mungu anatoa ufunguo wa kuufungua unabii, ili tupate kuelewa maana yake. Hakuna anayepaswa kuikabili changamoto ijayo bila kujiandaa. Ni muhimu sana kwetu kujua haya mamlaka ya mnyama ni yapi na kujifunza namna ya tuwezavyo kukwepa kupokea alama yake.



66

Hebu na tufungue unabii uliopo katika Kitabu cha Ufunuo, na kisha tusome juu ya mamlaka haya ya mnyama.



67

(Fungu: Ufunuo 13:1-8)
Mwanafunzi Yohana aliandika: Kisha nikaona mnyama akitoka katika bahari,



68

mwenye pembe kumi, na vichwa saba, na juu ya pembe zake ana vilemba kumi,



69

na juu ya vichwa vyake majina ya makufuru.

18 - KUWEKEWA MUHURI MILELE



70

Na yule mnyama
niliyemwona alikuwa mfano wa chui, na miguu
yake ilikuwa mfano wa chui, na miguu yake ilikuwa
kama miguu ya dubu,



71

na kinywa chake kama kinywa cha simba.



72

yule joka akampa nguvu zake na kiti chake cha enzi
na uwezo mwingi.
Ufunuo 13:1,2.



73

Nikaona kimoja cha vichwa vyake kama kwamba
kimetiwa jeraha la mauti,



74

na pigo lake la mauti likapona. Dunia yote
ikamstaajabia mnyama yule.



75

Wakamsujudu yule joka kwa sababu alimpa huyo
mnyama uwezo wake;



76

nao wakamsujudu yule mnyama, wakisema, 'Ni nani
afananaye na mnyama huyu?'



77

Tena ni nani awezaye kufanya vita naye?'

18 - KUWEKEWA MUHURI MILELE



78

Naye akapewa
kinywa cha kunena maneno makuu, ya makufuru,



79

Akapewa uwezo wa kufanya kazi yake miezi
arobaini na miwili.
Ufunuo 13:3-5.



80

Akafunua kinywa chake amtukane Mungu, na
kultukana jina lake,



81

na maskani yake, nao wakaa mbinguni.



82

Tena akapewa kufanya vita na watakatifu na
kuwashinda.




83

akapewa uwezo juu ya kila kabila na jamaa
na lugha na taifa.



84

Na watu wote wakaa juu ya nchi watamsujudu, kila
ambaye jina lake halikuandikwa katika kitabu



85

katika kitabu cha uzima cha Mwana-Kondoo,
aliyechinjwa tangu kuwekwa misingi ya dunia.
Ufunuo 13:6-8.

18 - KUWEKEWA MUHURI MILELE



86

Tunahitaji kuuangalia unabii huu dondoo baada ya nyingine. Hapa tena Mungu anatumia mifano ya kinabii kuelezea utaratibu wa maonyo yake kwa ulimwengu.



87

Na mnyama anawakilisha nini?
Danieli 7 ilitufundisha ya kwamba mnyama anawakilisha falme au mamlaka zinazotawala. Hapa katika Ufunuo, tunaona picha ya jambo lisilo la kushangaza--mnyama mwenye sehemu nyingi kama mkusanyiko wa wanyama wote wanne aliowaona Danieli!
Hujapata kuona mnyama kama yule!
Mapitio ya wanyama wanne wa Danieli yatatuelekeza na kutusaidia sisi kuelewa uwezo wa mnyama tunayejifunza habari yake.



88

Je, simba aliwakilisha nini? Ndiyo, Babeli!



89

Dubu? Sawa tena: Umedi na Uajemi.



90

Na vipi habari ya chui? Uyunani, ndiyo.



91

Na mnyama wa kutisha mwenye pembe kumi? Mnakumbuka vema! Ndiyo, aliwakilisha Ufalme wa Kirumi.

18 - KUWEKEWA MUHURI MILELE



92

Mnyama wa Ufunuo 13 ni mamlaka yanayokuja baada ya falme hizi kuu nne za dunia. Tunaona sasa jambo la kushangaza: mamlaka moja tu duniani ina tabia zote zilizotajwa katika unabii huu.

Maandiko na historia ya kidunia inaweka utambulisho kuwa dhahiri.

Akinena juu ya mnyama, Yohana aliandika,



93

(Fungu: Ufunuo 13:2)

...yule joka akampa nguvu zake na kiti chake cha enzi na uwezo mwingi. Ufunuo 13:2.


Tunaona ya kwamba joka anamwakilisha Shetani, kwani Biblia yasema,



94

(Fungu: Ufunuo 12:7-9)

Kulikuwa na vita mbinguni.....



95

Yule joka akatupwa yule mkubwa, nyoka wa zamani, aitwaye Ibilisi na Shetani, audanganyaye ulimwengu wote.....

Ufunuo 12:7-9.



96

Kwa kawaida, Shetani kamwe haingii katika pambano hali akionekana wazi wazi umbo lake. Hutenda kazi, hali akijigeuza, kwa kichinichini, kupitia kwa mawakala wengine, mamlaka, na watu. Ufunuo hutoa picha ya pambano kubwa kati ya Shetani na kanisa:



97

(Fungu: Ufunuo 12:3-5)

Ikaonekana ishara nyingine mbinguni; na tazama, joka kubwa jekundu,

18 - KUWEKEWA MUHURI MILELE



98

alikuwa na vichwa saba na pembe kumi, na juu ya vichwa vyake vilemba saba.




99

....Na yule joka akasimama mbele ya yule mwanamke aliye tayari kuzaa,



100

ili azaapo, amle mtoto wake.



101

Naye akazaa mtoto mwanamume, yeye atakayewachunga mataifa kwa fimbo ya chuma.



102

Na mtoto wake akanyakuliwa hata kwa Mungu, na kwa kiti chake cha enzi. Ufunuo 12:3-5.



103

Ni nani huyu mtoto- mwanamume?

Jibu ni Yesu Kristo!

Aliye nyuma ya vitendo hivi ni joka, au Shetani, aonekanaye akitenda kazi zake kwa juhudi sana kupitia kwa mamlaka ya kidunia.

Hilo ndio jambo halisi lililotukia.

Je, mwovu alikuwa akitenda kazi kupitia kwa taifa gani wakati wa kuzaliwa kwa Kristo?



104

Tuendeleapo kufungua kurasa za historia ya kidunia, tunagundua ya kwamba Rumi ya kipagani, chini ya Kaisari, alikuwa akitawala wakati wa kuzaliwa kwa Kristo.

18 - KUWEKEWA MUHURI MILELE



105

Herode Mkuu alitoa tamko ya kwamba watoto wote wa kiume ndani ya Bethlehemu, hadi katika umri wa miaka miwili, wauawe katika jitihada za kumuua Yesu wakati alipozaliwa.



106

Liwali wa Kirumi, Pontio Pilato, alimhukumu Kristo kifo.



107

Askari wa Kirumi walimpigilia misumari msalabani, na muhuri wa Kirumi ulilinda mlango wa kaburi. Shetani alitenda kazi kupitia kwa Rumi ya kipagani ili kumuangamiza Kristo.




108

Na Yesu alifufuka na kupaa kwenda Mbinguni kama jinsi unabii uonyeshavyo utabiri. Je, hili linakupa wewe ujasiri katika unabii wa Biblia?



109

Unabii pia unaonyesha ya kwamba mamlaka hii ya Rumi ya kipagani, inge



110

(Fungu: Ufunuo 13:2)
kumpa nguvu zake, kiti chake, na uwezo mwingi yule mnyama.
Je, Rumi ya kipagani iliutimiza huu unabii?
Na kama ni hivyo, alipewa nani?



111

Kwa karne nyingi, kanisa la Kirumi lilitumia waraka ulioitwa Zawadi ya Konstantine ili kuthibitisha haki yake kwa jiji la Rumi. Waraka huu, ambao baadaye ulithibitishwa kuwa wa kugushi, uliwapatia dai la haki ya kanisa kutawala Rumi ya Magharibi, kwa namna zote - kisiasa na kidini. Waraka huu ulikuwa ndiwo msingi wa kuthibitishia uwezo wao kama ufalme, papa akiwa mfalme.

18 - KUWEKEWA MUHURI MILELE



112

Mwaka wa 300 B.K., Konstantine alihamisha makao yake makuu kwenda Byzantium na akabadili jina la jiji kuwa Konstantinopo kama heshima kwake mwenyewe.



113

Wakati Konstantine alipoondoka alikabidhi kiti chake kwa askofu wa Rumi.

Askofu wa Rumi akawa kiongozi wa kanisa, wakati huo huo akiwa mfalme kwenye kiti cha enzi.

Matokeo yake yalikuwa ni muunganiko wa kanisa na serikali, kanisa likitawala juu ya serikali.



114

Jiji la Vatikan lipo katikati ya Rumi, jiji lililokuwa kiti cha enzi cha Ufalme wa Rumi.



115

Kanisa la Kirumi linaendelea pale hadi leo, siyo tu kama mamlaka ya kidini lakini pia kama mamlaka ya kisiasa. karibu kila taifa duniani hutuma mabalozi Vatikani.



116

Ni muhimu sana kuweka mawazoni ya kwamba unabii hunena juu ya shirika, ama mfumo fulani wa kithiolojia. Hausondi watu mmoja mmoja!



117

Kuna watu wengi sana waaminifu wanaomwabudu Mungu lakini bado hawajui kile unachojifunza leo kutoka katika unabii wa Biblia juu ya mamlaka hii.



118

Utafiti wa ndani unaonyesha alama hizi za mamlaka ya mnyama katika Ufunuo 13 unaonyesha wazi ya kwamba ni mamlaka iyo hiyo inayowakilishwa na pembe ndogo ya Danieli 7, tuliyoitafakari muda uliopita.

18 - KUWEKEWA MUHURI MILELE



119


Nabii Yohana alisema mamlaka hii ya mnyama ingelikuwa na alama inayoitambulisha wazi na kwamba ingejaribu kuilazimisha kwa kila mtu katika dunia!



120

(Fungu: Ufunuo 13:16,17)

Naye awafanya wote, wadogo kwa wakubwa, na matajiri kwa maskini, na walio huru kwa watumwa, watiwe chapa katika mkono wao wa kuume; au katika vipaji vya nyuso zao.



121

tena kwamba mtu awaye yote asiweze kununua wala kuuza, isipokuwa ana chapa ile, yaani jina la mnyama yule, au hesabu ya jina lake. Ufunuo 13:16,17.



122

Kulingana na Neno la Mungu, alama hii lazima iwe alama ya uasi au kutotii serikali ya Mungu. Biblia inaelezea wazi kundi lingine ambalo halitapokea alama ya mnyama.



123

(Fungu: Ufunuo 14:12)

Hapa ndipo penye subira ya watakatifu, hao wazishikao amri za Mungu, na imani ya Yesu. Ufunuo 14:12.



124

Kwa hakika kabisa, swala kuu ambalo dunia hii inaelekea kwalo litajikita katika kiini cha utii wa amri za Mungu!

Kundi moja la watu linapokea alama ya mnyama, wakati lingine linakuwa tiifu na la kweli kwa Mungu kwa kutunza Amri zake zote na kuitunza imani ya Yesu.



125

Watu wa Mungu pia watapokea alama, lakini itakuwa alama ya Mungu, muhuri wa Mungu.

18 - KUWEKEWA MUHURI MILELE



126

Utawekwa katika vipaji vya nyuso za wafuasi wake.



127

(Fungu: Ufunuo 7:2,3)

Nikaona malaika mwingine, akipanda kutoka maawio ya jua, mwenye muhuri ya Mungu aliye hai;



128

akawapigia kelele kwa sauti kuu wale malaika wanne waliopewa kuidhuru nchi na bahari,



129

akisema, 'Msiidhuru nchi, wala bahari, wala miti,



130

hata tutakapokwisha kuwatia muhuri watumwa wa Mungu wetu juu ya vipaji vya nyuso zao.'
Ufunuo 7:2,3.



131

Ninataka muhuri huo, je wewe?
Hakuna kilicho muhimu zaidi ya hicho.
Shindano la mwisho la historia ya dunia liko katika muhuri wa Mungu au alama ya mnyama. Ni kati ya ishara ya Mungu na ishara iliyo bandia.
Tunapogundua muhuri wa Mungu, au alama, itakuwa rahisi kugundua alama bandia ambayo mamlaka ya mnyama yataishinikiza.
Mungu anatuambia kwamba alama yake au muhuri wake ni nini:

18 - KUWEKEWA MUHURI MILELE



132

(Fungu: Ezekieli 20:12)
Tena naliwapa sabato zangu, ziwe ishara kati ya mimi na wao....
Ezekieli 20:12.



133

(Fungu: Kutoka 31:13)
Tena, Mungu anasema, Kisha, nena wewe na wana wa Israeli, na kuwaambia: 'Hakika mtazishika sabato zangu,



134

kwa kuwa ni ishara kati ya mimi na ninyi katika vizazi vyenu vyote;



135

ili mpate kujua ya kuwa mimi ndimi BWANA niwatakasaye ninyi.
Kutoka 31:13.



136

Mungu alisema ya kwamba Sabato ni ishara au alama yake ya mamlaka.
Je, mamlaka ya mnyama inasema ishara yake ya mamlaka ni ipi?



137

Kauli ifuatayo imechukuliwa kutoka katika Katekism ya Kikatoliki:
SWALI: Wawezaje kuthibitisha ya kwamba kanisa linao uwezo wa kuamuru kuwepo kwa sherehe na siku takatifu?



138

JIBU: Kwa kitendo halisi cha kubadili Sabato kwenda Jumapili, ambacho wa Protestanti wanakikubali na kwa sababu hiyo



139

wanajipinga wenyewe kwa kutunza kwa uhalisi Jumapili na kuvunja vunjia sherehe nyingi zingine zilizoamuriwa na kanisa lilo hilo.

18 - KUWEKEWA MUHURI MILELE



140

SWALI: Je, unayo njia nyingine ya kuthibitisha ya kwamba kanisa linao uwezo wa kusimika amri zihusuzo sikukuu?



141

JIBU: Kama lisingelikuwa na uwezo huo lisingelikuwa limebandika utunzaji wa Jumapili, siku ya kwanza ya juma,



142


badala ya utunzaji wa Jumamosi, siku ya saba, badiliko ambalo halina mamlaka yoyote ya maandiko.

- Muhtasari wa Mafundisho ya Kikristo, Henry Tuberville, uk. 58.



143

Jumapili ni alama ya mamlaka ya kidini ya kanisa la Kirumi, kulingana na historia yake lenyewe. Linakubali wazi ya kwamba lilibadili siku ya ibada toka Jumamosi kwenda Jumapili, na zaidi ya hapo,



144

linasema tendo hili nialama ya uwezo wake wa kikanisa na mamlaka.(Barua toka kwa C.F. Thomas, Askofu Mshauri wa Kadinali Gibbons, Oktoba 28, 1895.)

Kanisa la Kirumi linatoa changamoto kwa Waprotestanti kuonyesha kwa nini wameihalifu siku ya Mungu na kugeuka toka kwa



145

Sabato ya Biblia kufuata siku iliyowekwa na



146

desturi na mapokeo, na kanisa la Rumi.

18 - KUWEKEWA MUHURI MILELE



147

(Fungu: Danieli 7:25)

Danieli alitabiri ya kuwa hii mamlaka ya mnyama ingeazimu kubadili majira na sheria.....

Danieli 7:25.



148

(Fungu: Danieli 8:12)

Alitabiri pia ya kwamba mamlaka hii inge...angusha kweli hata chini; ikatenda ilivyopenda, ikafanikiwa.

Danieli 8:12



149

Yohana alitabiri ya kwamba Shetani atajaribu

kulazimisha kila mmoja kupokea alama ya mnyama:



150

(Fungu: Ufunuo 13:16,17)

Naye awafanya wote, wadogo kwa wakubwa, na matajiri kwa maskini, na walio huru kwa watumwa, watiwe chapa katika mkono wao wa kuume, au katika vipaji vya nyuso zao,



151

tena kwamba mtu awaye yote asiweze kununua wala kuuza, isipokuwa ana chapa ile, yaani jina la mnyama yule, au hesabu ya jina lake. Ufunuo 13:16,17.



152

Ili mamlaka hii itimize unabii huu wote, itajaribu kwa kutumia uwezo wa serikali za kiraia ili kushinikiza alama yake ya mamlaka wakati wa mwisho kwa kila mtu.

Tazama jinsi Mungu anavyoitambua mamlaka hii:



153

(Fungu: Ufunuo 13:18)

Hapa ndipo penye hekima. Yeye aliye na akili, na aihesabu hesabu ya mnyama huyo; maana ni hesabu ya kibinadamu.

18 - KUWEKEWA MUHURI MILELE



154

Na hesabu yake ni mia sita, sitini na sita.
(666).
Ufunuo 13:18.



155

Je hesabu ya mnyama ina maana gani, waweza kuhoji. Watu wengi wameuliza swali hilo.



156

Tutaliruhusu kanisa Katoliki lijibu. Kilatini ni lugha rasmi ya Kanisa Katoliki. Papa, katika thiolojia ya Kikatoliki, anasimama badala ya kanisa zima.



157

Mojawapo ya vyeo vya papa inatajwa kuwa Vicarius Filii Dei
Aliye badala ya Mwana wa Mungu



158

Wakatholiki wanashikilia ya kwamba kanisa, ambalo ni jamii ione kanayo dhahiri, lazima iwe na kiongozi aonekanaye dhahiri.



159

Utaona ya kwamba thamani ya kihesabu ya herufi za Kilatini ni rahisi kuifanyia hesabu
Vicarius Filii Dei
Vicarius 5, 1, 100, 0, 0, 1, 5, 0, = 112
Filii 0, 1, 50, 1, 1 = 53
Dei 500, 0, 1 = 501
= 666
Hii ni alama nyingine iliyo wazi kabisa inayotambulisha kanisa la Rumi kuwa ni mamlaka ya mnyama ya Ufunuo 13.


18 - KUWEKEWA MUHURI MILELE



160

Tunaweza kuhitimisha nini kutokana na majifunzo ya unabii katika Neno la Mungu?

Twaweza kuona kwamba wakati unakuja na kwamba hauko mbali, wakati kila mmoja atakapoamrisha kutunza siku ya kwanza ya juma katika kuhalifu moja kwa moja amri ya Mungu!



161

Maelekezo ya hivi karibuni yaliyopewa kichwa: Barua ya Kitume, Dies Domini, ya Baba Mtakatifu, Yohana Paulo II, kwa Maaskofu, Mapadre, na Waaminifu wa Kanisa, katika kutunza Siku ya Bwana kama Takatifu, imetumwa kwa viongozi wa kanisa likiwaasa kukazia utunzaji wa Jumapili kama wakati wa pumziko na ibada.

Je, yawezekana kwamba hii barua yenye makusudi mema inaweka jukwaa zuri kwa ajili ya kuunga mkono uadhimishaji wa Jumapili badala ya Sabato ya Biblia?



162

Inaendelea kiasi cha kupendekeza washughulike katika mwelekeo wa kupata sheria ya kiserikali ili kuifanya iwe halisi. Je, hilo halionekani ya kuwa si geni?

Kama jinsi tu unabii usemavyo!



163

Swali ambalo wengi waweza kuuliza ni kwamba, Je, kuna yeyote mwenye alama ya mnyama hivi sasa? La, bado, hakuna hata mtu mmoja mwenye alama ya mnyama sasa.

Mungu anao wafuasi wa kweli katika kila kanisa.

18 - KUWEKEWA MUHURI MILELE



164

Wakati alama ya mnyama itakaposhinikizwa kwa njia ya sheria ya kiserikali, kila mtu hapo itampasa achague kati ya utii kwa Mungu kwa kutunza Sabato kulingana na amri ya Mungu--


au utii kwa mnyama kwa kutunza siku iliyobandikwa na mamlaka ya mwanadamu.

Kisha, tena ni wakati huo, ndipo yeyote awezapo kupokea alama ya mnyama!

Kwa kila roho kutakuwepo na jaribio la muhimu: Je, nitamtii Mungu ama nitamtii mwanadamu?

Siyo tu swala la siku.

Ni swala la mabwana!



165

(Fungu: Warumi 6:16)

Paulo aliandika: Hamjui ya kuwa kwake yeye ambaye mnajitoa nafsi zenu kuwa watumwa wake katika kumtii,



166

mmekuwa watumwa wake yule mnayemtii, kwamba ni utumishi wa dhambi uletao mauti,



167

au kwamba ni utumishi wa utii uletao haki? Warumi 6:16.



168

Wakati mzito utamkabili kila mkaaji wa Dunia hivi karibuni.

Hakuna atakayekuwa na uwezo wa kununua au kuuza ambaye hana alama ya mnyama.

18 - KUWEKEWA MUHURI MILELE



169

Kinachotangulia ni katazo, kisha tamko la kifo.
Na kwa wale wapokeao alama ya mnyama, mapigo saba ya mwisho.

Je, waona jinsi swala hili lilivyo muhimu?

Kwa nini ni swala la uzima au mauti?

Kwa nini ni muhimu hivyo kuwa tuchague sasa kumheshimu Mungu?



170

Ipo habari njema kwa wale wanaochagua kumheshimu Mungu na kupokea muhuri wake.




171

(Fungu: Isaya 33:16)

Wanaweza kushindwa kununua au kuuza, lakini Mungu anasema,Atapewa chakula chake; maji yake hayatakoma.


Isaya 33:16.



172


(Fungu: Zaburi 91:5-8)

Kuhusu mapigo yatakayomwagwa juu ya nchi, Mungu anaahidi: Hutaogopa hofu ya usiku, Wala mshale urukao mchana,



173

wala tauni ipitayo gizani, wala uele uharibuo adhuhuri.




174

Ijapo watu elfu waanguka ubavuni pako.

Naam, kumi elfu mkono wako wa kuume!

Hata hivyo hautakukaribia wewe.



175

Ila kwa macho yako utatazama, Na kuyaona malipo ya wasio haki.

Zaburi 91:5-8


Na, kana kwamba bado unashangaa kile kitakachotokea, Biblia yasema,

18 - KUWEKEWA MUHURI MILELE



(Fungu: Zaburi 91:9-11)

Kwa sababu umemfanya Aliye juu kuwa makao yako,



Mabaya hayatakupata wewe, wala tauni haitaikaribia hema yako.



Kwa kuwa atakuagizia malaika zake wakulinde katika njia zako zote. Zaburi 91:9-11.

Lakini Mungu anatoa ahadi ya ajabu kwa wale wanaochagua kumfuata:



(Fungu: Danieli 12:1)

Wakati huo Mikaeli atasimama, jemadari mkuu, asimamaye upande wa wana wa watu wako;




Na kutakuwa na wakati wa taabu, mfano wake haukuwapo tangu lilipoanza kuwapo taifa hata wakati uo huo.



Na wakati huo watu wako wataokolewa; kila mmoja atakayeonekana ameandikwa katika kitabu kile. Danieli 12:1.

Yohana alionyeshwa njozi ya wale walioupata ushindi juu ya mnyama:



(Fungu: Ufunuo 15:2)

Tena nikaona kitu kama mfano wa bahari ya kioo iliyochangamana na moto, na wale wenye kushinda, watokao kwa yule mnyama,

18 - KUWEKEWA MUHURI MILELE



183

na sanamu yake, na kwa hesabu ya jina lake,



184

walikuwa wamesimama kando-kando ya hiyo bahari ya kioo, wenye vinubi vya Mungu. Ufunuo 15:2.

Hata sasa, Mungu anasihi wafuasi wake wa kweli watoke katika mifumo ya kidini bandia na wamfuate kikamilifu.



185

(Fungu: Ufunuo 18:4)

....Tokeni kwake enyi watu wangu, msishiriki dhambi zake,



186

wala msipokee mapigo yake. Ufunuo 18:4.



187

Kuna gharama katika kuchagua kumfuata Mungu. Je, unakumbuka Waebrania watatu ambao kwa ujasiri, hata katika kuikabili mauti, na wala bila kuchelewa katika kutafuta sababu za kibinadamu, walichukua msimamo wa kumtii Mungu?



188

Mungu kupitia kwa Roho wake Mtakatifu amekuwa akinena nawe kupitia katika mikutano hii. Anafanya mwito wake wa mwisho kwa Dunia inayokufa ili iwe tayari kwa ajili ya Kuja kwa Mara ya Pili kwa Mwanae.

Anakuja kuwachukua nyumbani pamoja naye wale ambao wamechagua kumfuata njia yote. Je, wewe hutachukua uamuzi kama Waebrania watatu kusimama kwa ajili ya Mungu na kweli yake usiku wa leo?